

南海先生集

初編

三

燧

和16
1987
3

早稻田大學附屬
圖書館

第一寄

漢詩文

第 415 號

第 3 卷

此書館外不許帶出



和10
1387
3



南海先生文集卷之三

紀府重山田中由恭履道輯錄

浪華 葛 張 子琴校閱

七言律詩

邊馬有歸思 余時年十四源白石南南山松霞洛原篁洲與會兩伯陽寓居同賦

遠逐將軍度雪山九秋大漠劍華間胡塵四起風悲

塞羌笛一聲月照關却恨曾逢伯樂顧長傷未得旌

頭閒沙場幾歲摧毛骨何日華山休戰還

白石源先生書南國華吉祥閣詩後曰南海有祇生者年十三四在木公之門同賦邊馬

有歸思一篇其詩雄渾悲壯足以後來可任斯文也而今果然因證予言之不爽云

春日客懷

時年十六家君命賦勅中晚體

昨夜東風過玉關，天涯離恨未曾閒。
鳥聲春盡愁中兩，客路家迷夢裡山。
雨墜桃花聞不語，雲重鴻雁看皆還。
倚欄誰識吟哦苦，十里池塘芳草間。

麗澤會賦得冬日牡丹

麗澤木先生書院名

珠臉瓊腮蘭麝裳，東君宸渥先時芳。
幄留芬月鶯應喚，枝偷韶光蝶欲狂。
雪重仙妃掩嬌咲，曉寒粉女帶啼妝。
瑤臺自是春長在，富貴誰誇上死香。

七家雪

并引

予少時在東都偶賦七家雪白石新井君見而竒之次韻以贈後十餘年其稿為無賴子偷去惟侯家一篇記敗帑中嗟七篇實少作不足以觀第其以故人有和往事可憶時時來往於懷惜矣茫然不記一字後二十年及觀白石餘稿中載其和七篇讀之悵然想見舊事且喜得其韻礎遂依韻足作山家以下六首蓋追和也若夫再和世既多焉惟其原

韻既失之，得其和什，再賦而償者，今古未聞也。况復其唱和乎？今憶昔遊四十有餘年，昔也我唱，君和；今也君唱，我和。使四十餘年之前，照於四十餘年之後，蕭蕭鬚髮，倚牀操毫，冥搜沈吟，淋漓揮洒之態，死乎在目，豈可得已焉哉？嗚呼！君墓木已拱矣，予碌碌偷生塵世，筆硯餘技，未能謝去，雖得七篇復全，誰與評質？燈下聊錄，以自覽云。丙辰冬識。

侯家雪

是所謂青檀一首，今觀白石稿中所載和什，同是陽韻，但少有出入，豈亦兩家

或有追改者

侯家第宅勝金張，堂上雪飛歡未央。粉絮霏微雲母帳，銀花錯落水晶牀。樓前吐月臨歌扇，簾外隨風濺舞裳。絳蠟金爐寒正謝，椒房華屋夜殊長。

此一首屋室之字重疊少，作粗惡如此，今不欲改。

山家雪

以下追和者

洞口寒雲凝自同，千崑雪滿跡難通。嶺非大庾皆花影，道入山陰是鏡中。半鼎烹茶松火濕，孤衾夢月竹牕空。皎然四望玉壺裡，茅屋未仙先蕊宮。

妓家雪

雪照金釵十二行，徐移蓮步出蘭房。
拂琴先恐玉纖怯，慕屨却嫌裙帶長。
珠臉瓊腮孰皎潔，粧樓酒慢更輝光。
君家別是溫柔在，未擬廣寒覓剪裳。

酒家雪

繫馬高樓風雪時，任他吹落山公巵。
金龜曾換十千酒，玉樹仍歌三五姬。
樹裏杏花寒簇簇，門前柳絮晚垂垂。
壚頭醉倒不須去，積作糟丘映酒池。

樵家雪

谷口丁丁寒自稀，一瓢好冒雪霏霏。
爛柯仙散雲根沒，斫桂人寒玉蕊飛。
四顧茫茫蹤跡絕，孤村落落炊烟微。
讀書翁子何多事，何若醉歌乘月歸。

漁家雪

隔橋曲岸泊漁舟，天暗江風吹雪流。
玉笠銀蓑動時見，驪宮鮫室看皆浮。
鷺拳枯柳影俱凍，雁宿蘆花夢半秋。
曾見吳興水村筆，濁醪醉臥小滄洲。

獵家雪

獵騎朝過渭城隈，羽旄飄雪朔風摧。
花飛原野馬紋

亂月曙營前弓影開東郭狡兔何處窟西汧白虎誰
知來橋頭向夕明猶畫不借城門列炬回

詠懷七首

楚天一望海雲微南客秋深未得歸弱水月明鴻雁
泊松江霜落蓴鱸肥家曾白鷺洲前住身仍青山雲
外依借問故人誰得在蘆花零落舊漁磯

弱水松江鷺洲俱是

南紀地名

半夜高樓玉笛聲和秋吹落故園情江天孤月龍吟
怨林樹淒風鵲夢驚多病參軍孰明遠倦遊詞客獨

長卿沈吟千古燈花落古砌蟲鳴白露生

暮雲斷鴈為誰哀山雨冥冥江自來紅葉渾因人意

切黃花且為客愁開文章四海徒偷譽吏術一官誰

愛才滿目不須慘風物揮毫猶欲賦蘭臺

少小遠游才氣雄青袍白馬醉關中美人舞罷邯鄲

月壯士歌寒易水風一擲千金惟有膽百年五尺敢

言躬書生未必老糟粕請看劍華衝白虹

山東地勢百年饒江左衣冠五馬驕馳道風花春漠
漠城地烟柳晚遙遙有時漢今朝鳧鳥幾處秦臺吹

鳳簫自顧名都非我土，酣歌擊缶向青霄。
客舍黃昏不耐愁，風吹霜葉入山樓。鴉低暮色蕭蕭，
兩鴈傷砧聲處處，秋節物尤能驚遠客。功名空自托，
浪遊後來心計竟何事。身世誰憐不繫舟，
世情莫鼓伯牙琴。人事渾應季子金，海內交游止識
面。腰間雙劍誰論心，一生玉塞期尸革。千古金門欺
陸沈，萬計終期何處是。高風仰望巢由林。

木先生歲初宴奉次嚴韻

泰山巍巍海滔滔，危險由來何自勞。萬古大經原若

砥，一元浩氣不容毫。春迎五福東風淑，雲護三辰南
極高。恭賀關西獻祥鱓，不須海上釣仙鰲。

鱓與鱧同音善與詩衛風鱧
鮪之鱣不同詳于康熙字典

酬金澤罔石梁見寄二首

交情不怪信音疎，管鮑相知誰又如。千里寸心勞別
夢，一封尺素問遷居。雲埋葛嶺連滄海，月滿蓮湖涵
翠虛。記得天台攜手處，題名醉裏石欄書。
久臥蓬蒿與世疎，茂陵誰訪病相如。吳門煙月違同
醉，楚澤秋風問卜居。往事回頭渾是夢，交游屈指半

爲虛喜君志壯身康健好爲故人更寄書

春日訪九臯鶴禪師山房

竹護禪龕梅卜鄰一聲啼鳥不驚人孤雲片月西來
意白水青山南住身仙澗汲花茶始嫩給園養果橘
猶新非惟支遁林中勝更泛慈航出世塵

送僧竹潭之西京

風流韻釋在江南北海何惟魯國男但恨論詩數更
五休辭臨別引杯三瀟瀟秋色風過樹寂寂禪心月
印潭雄猛由來龍象是何疑健筆力如魁

哭幼子彥

周年僅是任人間聰慧豈惟父母慳玉樹階前霜易
萎明珠掌上月難還畫圖細認筆頭狀奉養已承膝
下顏揮淚風前何處覓天寒木葉下空山

賀藩壺峯子和予春晚韻見贈再和以答

見君筆墨出埃塵頭著華陽道士巾北海酒樽開夜
月金城花柳醉青春市中祿隱詩嘗富架上耕書家
未貧南國風烟休問訊明光浦上一漁人

春興七首

藪藪垂楊短，短蒲東風度。水入屠蘇朝，聲欲兩時來。
去山色和烟半，有無伴。主飛飛梁上燕，隨波汎汎水。
中鳧不才，幸免功名事。好守一經老，一廬。
半生歸國似他鄉。賜館何圖，且徜徉。門接半邨兼
半郭，窻通山氣似山房。兩舒蕉葉題詩滑，風落松花
釀酒香。欲報主恩頭已白，上樓不用問行藏。
花掩勾欄柳掩關，鳩鳴午寂竹林間。攜琴往往詩中
侶，隱几朝朝閣外山。春去何將流水急，老來誰與晚
雲還。松江煙雨釣舟滿，未借白鷗波一灣。

雨霽金城紫，靄霏江行岸。憤試春衣，千門烟柳鶯爭
轉。百道香風花亂飛，賈誼少年才謾闊。馮唐老去事
空違，思量一世無過醉，休笑山公倒載歸。
宗藩雄府屹如桓，表裏山形龍虎盤。江漢于今南國
紀，金湯自古大邦翰。炎洲翡翠巢珠樹，碧海珊瑚拂
釣竿。更有蓬萊稱仙窟，鬱蔥佳氣五雲蟠。
六鼇湧處是蓬萊，徐福當年醉不回。十二樓臺空縹緲，
五千童女何在哉。瓊笈銀題石室邃，金芝玉蕊紫
雲堆。嘗說三山在海外，海外無人駕鶴來。

鴛央波暖戲汀洲，馬度雙橋入影浮。自是江南佳麗地，且看陌上綺羅遊。棹依細草柳陰，舫簾捲微風花外樓。春事惟思長不老年，年歲醉揚州。

今年豐饒，朝野歡欣，遂記一時之盛。

春日書懷寄白石先生

先生寓居在東都柳巷，其館舊稱杜若館。

綈袍欲報報何因，萬里空嘆羈絆身。江上形容非宿昔，天涯歲月亦青春。柳花巷口啼鶉怨，杜若洲前芳草新。君老吾衰難再見，一生恨作負心人。

贈北山左隱山

男婚女嫁百皆休，曾笑陶潛未解憂。家有山田手自種，身無疾病心何求。牕中雲氣峰巒曙，屋後泉聲風雨秋。欲計耦耕計未就，慙慙相訪醉淹留。

哭亡友南山南先生五首

曾疑魚雁滯江湖，不料人琴今已無。風景依然向子笛，山河邈若黃公壚。異鄉墳墓塞雲遠，昨夢形容梁月孤。但有淚痕何處哭，天涯望奠愧生芻。藹然風韻仰仙標，想見清揚日益遙。攜杖當時惟問竹，沽醪無日不盈瓢。秋雲留寫白團扇，明月教吹紫

五簫瓊樹由來塵外物三山悵望海波迨

咫尺曾遊手每攜君居城北我城西醉眠半榻花陰

覆吟倚勾欄荷葉齊沂水春俱詠歸興東台雲為賦

成躋即今往事向誰語腸斷柳塘烏夜啼

與君識面未知心與君知心面難尋往事浮雲皆作

夢交情流水誰論音鶻啼夜雨東風怨鴈沒秋空北

塞深往歲故人傳伏枕豈知宿草滿空林

山川鍾秀出崎陽先生長崎人天壽僅多五十強人物非

王即是謝詩篇超宋獨之唐家藏遺草非封禪名附

先賢老醉鄉但慰鳳雛成羽翼英風千歲挹流芳

遊紀三井山題大悲閣

海上金峯虎豹蟠重重樓閣俯波瀾浮杯帆影醉魂

蛻倚檻潮聲吟鬢寒岩吐龍泉疊三級雲封佛塔鎖

層巒蓬壺此去可津逮何日與君問九丹

題紀三井山海龍閣

朝撲山門飛閣重丹梯客過響吟筇亦當海岸孤絕

處况是蓬萊第二峯禮山凡有三十三所以熊峯為第一以此地為第二蓬萊指熊

峯云海獻聖燈藏寶氣山稱名草採芝蹤惜乎千歲少

題咏醉筆為揮滿壁龍

遊紀三井山

天下三十三福地此山亦是古靈場潮音和梵蓮洋
闊林樹起痾花雨香昌國一燈傳聖燄翠屏三井讓
清凉威神巍巍金剛窟幸闡光明秘密藏

補陀落山在昌國縣海中其八景中有洛伽
燈火蓮洋古渡○天台翠屏山有三井山有

藥樹傳是自龍宮來○
往歲本堂啓龕結衆緣

賦酒

戲做許洞之約禁用山水風雲烟霞雪霜
日月星辰花草竹石蟲魚禽獸晝夜朝暮

等字

境入華胥號醉鄉有時不妨助清狂波浮江漢葡萄
綠春滿蘭陵琥珀光甕下車前寧有地千鍾一盃可
無量佳名又稱忘憂物我意奈無憂可忘

湘雲居六題

并序

余性甚嬾家亦貧矣平居凡百無蓄庭中惟
有六物亦未經題詠今春伏枕人事寂絕遂
口占成六律云

門柳

路傍相望綠依依好就此中掩竹扉客繫吟驢花引

八僧驚宿鳥，月敲歸濃陰。可代黃金鎖，粉絮疑封白。
石磯最惡平生俗者，過清風為掃洛塵衣。

井梧

幾年托根金井，倚亭亭今已向朝陽。誰言半夜礙蟾
兔，正好千秋待鳳皇。題葉銀牀，詩自便占陰苔。瓚坐
常涼，轆轤聲裏西風曉，能耐枝頭露作霜。

窻梅

不在山巔與水邊，移栽更夢近窻前。籠紗踈影天然，
畫透帳幽香。夢裏仙，轉枝禽，伺讀殘卷，帶蕊雪揮彈。

罷絃老來踈，嬾寒常怯。幸免溪橋着醉鞭。

砌竹

醉日移來遶砌階，清陰覆日任苔埋。宜風宜雪四時
共，稱友稱君千古皆。詩刻尊前狂客句，歌敲月下侍
兒釵。何當借得玉嵐帚，掃盡塵埃萬斛懷。

牆蕉

踈材無用不爭春，隙處幽閒好托身。易養原從野人，
嬾堪書還做醉僧。真枕頭中夜寒聽雨，牀下半陰清
絕塵。喜與青山不礙望，涼風何妨度東鄰。

崑柱

金粟離離簇淡黃，種從蟾窟播天芳。連蜷曾寄碧崑，
曲幽獨且移怪石，傷月露酒醒中夜冷。秋風夢斷滿
簾香，南山未卜煙霞地，更向何人招辟裳。

哭弟維章二首

歎息人間事亦屯，可堪臨柩淚沾巾。汝應埋我我埋
汝，人未負天天負人。諸孤在室勿爲念，亡友及泉誰
卜隣。老大空羞竟無就，玉樓羨汝絲毫新。
友于情愛比他多，老淚豈圖灑薤歌。尚聽連牀燈下

話，誰賡聯步月前哦。鵲鴿風鏹噉噉，羽棠隸霜凋落。
落柯日暮荒丘獨，相覓白雲黃葉鎖山阿。

次明石梁蛻崑歲暮小集韻寄贈二首

塊然獨處自堪憐，新咏何圖照暮年。高士久懸汝南，
榻故人誰割宣城。檀同情何必論千里，一斗好當共
百篇。爲問扶桑掛弓者，當時誰似伯鸞賢。
未見清揚意已憐，北雲悵望日成年。夢隨夜月人如
玉，恨滿春江草亦羶。關外青牛留紫氣，卷中白雪照
瑤篇。泰山爲肉海爲酒，縱飲難同鄴下賢。

蛻昂曾有白雪篇
載井白石停雲集

為久野君賦飛梅

世傳管公謫太宰府庭梅
飛從云後世因傳其種

北宰紅梅天下稀尋常誰敢競芳菲不勞驛使一枝
贈獨逐海雲千里飛相府蓮花名漫在鶴林躑躅事
空非曾嫌清白過無友一點丹心照紫微

恭次羽林小倉公賜韻奉酬二首

名公品藻誰能先久仰芝蘭奕葉聯天上星辰照環
衛人中鸞鳳出羣仙筆花爛粲奪宮錦墨霧氤氳帶
御烟更向延英殿上望何惟風采映瑤篇

天開錦繡是

神京南鄙江山寧比清紀水未堪控

江漢秦童妄自認蓬瀛人空明月扁舟興歌盡白潮
孤鶴情欲報瓊章問泉石倉浪未遂濯塵纓

治承中新都衣冠舟遊玉津以說
月○昔人有詠明光浦潮鶴歌

十雪詩

穆王獵雪

西狩鉏山雨雪濼田車萬乘百靈朝光凝羽箭弓聲
勁風捲旌旗馬力驕林失銀麇花晚動窟迷玉兔月
晨跳三章黃竹歌未闕轍跡更尋池水瑤

景公賑雪

七十餘城炊烟乾，雨雪三朝簾外看。美酒如澆冰不結，深宮似海夜方闌。飛黃千駟無稱久，狐白一裘欲覆難。緇布相君徒多事，金綦幾度問天寒。

景公造履金綦玉鈎晏子曰天寒乎出晏氏春秋

蘇武羶雪

誰言兩雪不堪餐，甘比酪漿更一般。寧愛穹廬捲氊煖，不知月窟帶冰寒。羝羊不乳海雲遠，鴻雁有書關月殘。積素滿沙吹白髮，寸心獨有漢宮丹。

袁安臥雪

洛陽門外雪霏霏，誰識高人掩竹扉。寂寞荒蹊人跡絕，嶮古木鳥聲饑。夢通姑射俱冰質，身怪焦光同白衣。倚賴原懷冬日愛，溫良何怯雪霜威。

焦光廬燒露臥雪中○安為河南尹政尚慈愛帝曰袁安留冬日愛

東郭履雪

鶴髮鷄衣雪滿天，一雙弊履獨蹣跚。三冬文史金燈外，萬古姓名仙籍前。身與風雲痕未著，踵通呼吸底從牽。玉樓瑤闕乾坤闊，彷彿明雲觀裏年。

莊子曰真人息以踵○方朔嘗至鏡火山山明莖草光如金燈又到明雲觀夜不加燭

王恭裘雪

皎皎仙裘帶雪茸風流千古獨王恭臨風素影兼裳
動倚樹毳花滿袖重玉羽由來塵外物瓊臺疑是月
中逢飄然有立鶴羣想緱嶺休誇笙客容

孫康書雪

蘭燭青烟久已灰雪花乍喜映窗堆九枝驚蕊帶梅
發一片蟾光吐挂來照影只愁晨晷解卷舒不倦曉
籌催頃來心醉勝身醉不問春醪進幾杯

謝女咏雪

六出飄颻晚更加朱脣咄咄咏楊花金城門外因風
起灞水橋頭逐客斜林下風流喻玉潔鏡中妝態謝
鉛華蘭情蕙思清於雪玉樹由來是謝家

子猷棹雪

雪後山川四望空美人相思剡溪東吟蓬晴掀千山
月醉髮寒生一棹風平日猶尋茅舍竹中宵况倚蕊
珠宮酒醒興盡杳然去何必相逢聽奏桐

鄭綮驢雪

南唐書 卷之三 十六

誰將珠玉裝乾坤，破帽風寒滿野昏。詩句先尋梅蕊地，酒旗自在杏花村。笠檐傾月看無影，馬首行天信有痕。萬戶長安歌舞客，欲嗤橋上役吟魂。

哭筑州使君白石井先生五首

文武雄才傑持姿，經書滿腹劍支頤。生逢聖世應無恨，死作閻羅足有為。翰苑筆花傳舊稿，雞林玉帛購新詩。虎韜萬世見精力，都是燈前滿鬢絲。

清朝翰林庶吉士鄭任鑰嘗為公手錄其遺稿三卷，公有軍器考十卷，公嘗謂生不為宰相，必當作閻羅。

東方文運未全開，公應休明占首魁。天使英靈祕河嶽，人驚雲物照蓬萊。風流一洗千秋俗，宗匠渾成六代材。三尺孤墳人不見，海暝風雨雁哀哀。吾尚青年公壯夫，忘年交誼與人殊。看君先是一鳴鳳，目我曾為千里駒。易水風寒秋擊筑，鄴都月滿夜叩壺。自是四海知音盡，更向何人投暗珠。腸斷千秋舊子期，遺琴相對邈當時。菰蘆牛渚秋潮暮，楊柳雉橋春雨絲。劍拭龍泉血痕碧，杯留鸚鵡酒顏嬉。燈前和淚難成誦，半是青年唱和詩。

雉橋先生所居地名公家有古劍及鸚鵡杯昔日會飲俱詠老杜看劍引杯句

尺書曾報我歸泉道路之言誰誤傳犬馬豈思仍保齒龍蛇不料已占年人間苦樂未能謝地下文章今幾篇他日青城山下過看君早已騎羊仙

往年先生有書曰東都相傳瑜已物故滄浪先生聞之哭於先生先生驚歎數日後知其妄傳大喜馳書而謂昔在東坡在黃亦有此事范蜀公聞而驚云云

冬夜有憶南山先生思聰

聞思聰遺稿有詩八百首歿後無人收拾余嘗擬捐貲命梓謀諸白石先生以索其稿未

得而先生亦逝矣今不知其稿散落何處徒慨然耳

怪君薄命甚於顏追憶燈前涕泗潛蘭玉一時身共槁萍蓬千里魂何還酒杯且寄風塵裏詩卷誰留天地間蟬噪蛙鳴空聒耳可堪片石望寒山

思聰歿後六年間婦人及四男相繼而亡矣思聰本崎陽人後居東都又官于北越遂終

魚閣秋日過光明寺贈普白和尚

三十年前曾識君不圖今復挹清芬機鋒翻水千江

月瓶鉢歸山一塢雲霜葉時兼巢鳥下烟鐘晚帶木
魚聞自羞宦海頭都白何日青山謝世氛

賦春夢二首

酒醒金爐香未消幾回無緒度春宵狂迷芳草蝶俱
懶散入梨花雪自嬌斜雨長門燈火暗十年玉塞鴈
書遙枕頭更問尋梅路知到揚州第幾橋
半屏殘燈度短更微茫枕上未分明忽隨蛺蝶翩翩
去又逐薜蘿寸寸生梨魄梅魂何處所雲嬌烟態幾
回情巫山十二未遠盡散向陽臺作雨聲

松蘿

乍穿朽葉獨了然原出蟠根倚半天羽蓋曾遺避雨
客瓊芝誤採巢雲仙滿山香氣桂花後一味風流菊
蕊前玉菜金齋舊相識自羞塵土未辭緣

鶯梭詩并引

明人賦雁字詩者多矣予所獲樊新詩十篇
典故形容曲盡其工惟至鶯梭未聞有賦者
今春伏枕人事頗暇因賦之累篇遂得十首
雖於古人咏物之趣未能必盡合而至對壘

於樊氏之雁陣亦未必多讓而覽者隲焉云
時元文二年二月下浣

誰使化工傳妙神玉梭歲歲織芳辰
谷中覃葛助絺綌烟外垂楊拂麴塵
碧薄羅紋一片霧紅堆花本滿樓
春闌干倚遍東風暮一擲光陰愁殺人

織坊凡花紋先畫之量度結成懸之花樓梭過花現謂之花本花樓即織坊垂衢脚之樓

○藍采和詩
流年一擲梭

瓜上天梭何歲祈巧傳帝女銀河機
遊絲日煖垂經斷斜雨風寒織緯飛
扎扎希聲隔窻近交交流影入

花微自家織得菊裳美猶奏嬌歌金縷衣

蔡氏女七夕祈以酒果忽流星墜筵中瓜上得金梭○漢武黃鵠歌金為衣兮菊為裳黃山谷用之咏鶯云秋菊染春衣

羹能止妬可閨中遂先蠶桑勸婦功
出谷春雲拖練白過牆花雨染絲紅
由來促織徒驚懶縱今畫眉無益工
更有空房倦機女停梭愁對一簾風
畫眉鳥名
嫁得東君期不違女工勤苦惜春歸
落花三月遂投杼狂雨五更空斷機
上苑和風歌謾賞西廂明月事空非
休嗤終日不成藻還勝為人裁嫁衣

謝惠連牛女詩弄杼不成藻○古詩貧女詠每恨年年握金線為他人作嫁衣裳

公子馳竒少似君，翩翩戲亦做紅裙。
烏衣有巷未聞織黃褐，稱侯不耐羣。
露底機寒綃泣淚，花邊梭熟錦迴文。
東風欲助參差力，春水一池皺縠紋。

黃褐侯鳥名一名青鷁鳩屬

南經東緯鳳梭勻，紅綠織成千里春。
六幅紗嬌霞拂拂，滿塘羶煖草茵茵。
休過電影掛龍地，欲擲風流折齒人。
借問江南秋盡後，霜機楓錦倩誰新。

天地南北為經東西為緯

素餐豈敢啄吾梁，帝縷年年成報章。
緯管江春舒碧水，金衣月曉照流黃。
水梭魚子姓空冒，心織文人事更忙。
初服衰齡我將復，憑君肯製芙蓉裳。

緯管梭中卷縷管○李后主取靛花合雨水染綃號天水碧

為誰日日弄春梭，燕有紅襟鷺有衰。
紫陌千門垂柳暗，珠簾半捲落花多。
風前絲弱久猶憩，晝後力慵時一歌。
百舌當時務羅織，息機慎勿出丘阿。
平林初織野烟昏，梭影尤宜幽處翻。
伐木山家流水路，送人酒店杏花村。
棲遲喜得友生伴，佻巧羞趨時

世煩多少工夫誰誤說天機一半落言論

楚辭雄鳩之鳴逝兮余猶惡其佻巧

鳩婦伯勞休謬猜經天緯地豈吾材時時顧影乍臨
水處處逐香多入梅拋似斜鬟鳳釵墜過如醉客羽
觴迴黃袍若得能躬織容汝他年補衮才

黃鳥一名黃袍

次韻酬桂山彩嵩先生二首 并序

桂山君上國琳琅盛世麟鳳揚采翰林
播芳芸閣山斗一世既久矣僕嘗緣友人獲
觀其吟藁十餘篇讀之至甘露寺看月日定

罷啼猿哀永夜巢寒仙鶴夢清都未嘗不聳
然抵掌三嘆也日吁奇哉縹緲瀏亮是殆天
仙語也古人復生恐不能過焉况於今人乎
僕宿之懷抱廿有餘年矣奈何天畛參商千
里猶隔世豈不可恨邪茲蒙辱瓊簡兼以玉
章書意懼篤詞藻韶雅捧讀不釋手感忤良
深非獨南金拱璧可以珍襲抑又半世遺恨
豁若披雲何其幸也遂忘謏陋漫次嚴韻敢
裁二律一以奉謝盛意一以寄寓瞻仰併以

讀清覽伏祈斧正云

太一神藜護校書，餘光誰料照茅居。一封尺素青雲外，千里寸心春草初。騷思高抽小山桂，倦毫橫掣大溟魚。詞壇牛耳惟君在，遙挹流芳鄴水渠。

知君仙想世情疎，蕭灑麻丘先生所居地名揚子居。夜雨松

濤琴斷後，香雲梨夢酒醒初。羞交縞紵鷄羣鶴，欲報

瓊瑤獺祭魚。東□玉池游賞地，何緣傾蓋醉紅蕖。

附錄桂山贈詩

北風吹雁一行書，雪滿關山憶起居。珠樹終隨

滄海索金蘭，卻向白頭初三山。夜月原騎鶴，千里春潮未問魚。江上愁心耽雜佩，肯容南國採芙蓉。

南海先生文集卷之三 終

